



Broj: 02-11-1207-4/26

Fojnica: 14.07.2026. godine

Na osnovu člana 64. stav 1. tačka b. i člana 70. stav (1), (2) i (3) Zakona o javnim nabavkama („Službeni glasnik BiH“, broj: 39/14, 59/22 i 50/24), člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15) a u vezi sa preporukom Komisije za provođenje postupka javne nabavke, broj: 02-11-1207-3/26 od 10.07.2026. godine, Općinski načelnik donosi

ODLUKU

o izboru najpovoljnijeg ponuđača

za nabavku radova „Izgradnja rezervoara i sanacija vodovodne infrastrukture u MZ Bakovići, Gojevići i Dusina“ za LOT 2 - Izgradnja dovodnog cjevovoda od kaptaze do rezervoara - Podgora i Rekonstrukcija rezervoara – Podgora

Član 1.

Najpovoljniji ponuđač za nabavu radova „Izgradnja rezervoara i sanacija vodovodne infrastrukture u MZ Bakovići, Gojevići i Dusina“ za Lot 2 - Izgradnja dovodnog cjevovoda od kaptaze do rezervoara - Podgora i Rekonstrukcija rezervoara – Podgora, putem otvorenog postupka za dostavu ponuda je ponuđač „Miličević- Gradnja“ d.o.o. Kreševo sa cijenom od 41.001,00 bez PDV-a.

Član 2.

Po ispunjavanju zahtjeva iz tenderske dokumentacije u pogledu dostavljanja dokaza za koje je tražena izjava iz članka 45. Zakona o javnim nabavama i po okončanju roka za žalbu, Općina Fojnica će sa izabranim ponuđačem zaključiti ugovor, kojim će se regulisati međusobna prava i obaveze vezano za predmetnu nabavu, u skladu sa zahtjevima navedenim u tenderskoj dokumentaciji i zakonskim propisima koji regulišu postupke ugovaranja.

Član 3.

Ova Odluka će se objaviti na web stranici Općine Fojnica istovremeno sa upućivanjem ponuđačima koji su učestvovali u postupku javne nabave u skladu sa članom 70. stavak (6) Zakona o javnim nabavama.

Obrazloženje

Na osnovu Odluke o pokretanju postupka javne nabavke radova „Izgradnja rezervoara i sanacija vodovodne infrastrukture u Mjesnoj zajednici Bakovići, Gojevići i Dusina“, broj: 02-11-1207/26 od 17.06.2026. godine i Obavještenja o nabavci objavljenom na portal javnih nabavki, broj: 546-1-3-39-3-35/26 od 17.06.2026. godine, proveden je otvoreni postupak za nabavu radova - Izgradnja rezervoara i sanacija vodovodne infrastrukture u MZ Bakovići, Gojevići i Dusina.

Komisija je Zapisnikom sa otvaranju ponuda od 07.07.2026. godine konstatirala da su blagovremeno pristigle 2 ponude, i to ponude ponuđača:

1., BRUSNICA TRADE“ D.O.O. FOJNICA sa cijenom ponude za Lot 1- 28.686,00 KM;
Lot 2 - 40.899,00 KM; Lot 3 - 8.160,00 KM i Lot 4 - 21.070,00 KM.

2. „MILIČEVIĆ - GRADNJA“ D.O.O. KREŠEVO sa cijenom ponude za Lot 2 - 41.001,00 bez PDV-a.

Komisija je, na zatvorenom sastanku, izvršila pregled i analizu dokumentacije priložene uz ponudu, u smislu provjere njene validnosti, s obzirom na iskazane zahtjeve Općine Fojnica u tenderskoj dokumentaciji.

Uvidom u priloženu dokumentaciju i suštinskom provjerom sadržaja i validnosti dokumentacije, komisija je konstatovala da ponuda ponuđača „Miličević-Gradnja“ d.o.o. Kreševo u potpunosti zadovoljava sve uvjete tražene tenderskom dokumentacijom, te da kao takva može biti predmet daljnjeg vrednovanja.

Uvidom u priloženu dokumentaciju i suštinskom provjerom sadržaja i validnosti dokumentacije, komisija je konstatovala da ponuđača „Brusnica-Trade“ d.o.o. Fojnica d.o.o., nije u potpunosti ispoštovao sve zahtjeve iz tenderske dokumentacije. Ponuđač nije ispoštovao odredbe iz tačke 3.4. „Tehnička i profesionalna sposobnost“ stav 2, a), koje glase:

„Ocjena tehničke i profesionalne sposobnosti ponuđača će se izvršiti na osnovu sljedećih dokaza (član 48. i 51. ZJN):

a) Spisak izvršenih ugovora, koji su u vezi sa predmetnom nabavkom ili koji imaju karakter i kompleksnost sličnog onima koji se odnose na predmetnu nabavku u ukupnom iznosu jednakom ili većem od 100.000,00 KM bez PDV-a (zbirna vrijednost ugovora), u posljednje 3 (tri) godine ili od datuma registracije ponuđača, odnosno početka poslovanja, ako je ponuđač registrovan, odnosno počeo sa radom prije manje od 3 (tri) godine, računajući od dana podnošenja ponude, od toga od toga najmanje 1 (jedan) ugovor u visini od najmanje 100.000,00 KM bez PDV-a (ako ponuđač dostavlja ponudu za sve LOT-ove). Ako se ponuda dostavlja za jedan lot onda ukupna vrijednost za jedan ili više ugovora treba biti jednaka ili veća od vrijednosti tog lota.

Uz spisak izvršenih ugovora (referenc listu koju sačinjava ponuđač na svom memorandumu) ponuđač je dužan dostaviti i potvrde, koje su u vezi sa spiskom, a koje (potvrde) daje druga ugovorna strana o njihovoj realizaciji u skladu sa tačkom 3.4. pod a) tenderske dokumentacije (obična kopija traženih dokaza).

Potvrda o uredno izvršenim ugovorima (radovi) mora da sadrži sljedeće podatke (član 48. stav (3) Zakona o javnim nabavkama):

- naziv i sjedište ugovornih strana ili privrednih subjekata;*
- predmet ugovora;*
- vrijednost ugovora;*
- vrijeme i mjesto izvršenja ugovora;*
- navode o uredno izvršenim ugovorima.*

U slučaju da se takva potvrda/potvrde iz objektivnih razloga ne može dobiti od druge ugovorne strane, ponuđač će dostaviti izjavu na svom memorandumu o uredno izvršenim ugovorima, uz predočenje dokaza o učinjenim pokušajima da se takve potvrde obezbijede. Ugovorni organ zadržava pravo da u toku evaluacije ponuda utvrdi vjerodostojnost dostavljenih podataka o uspješno realizovanim ugovorima.“

Ponuđač je dostavio potvrdu, spisak izvršenih ugovora, koji su u vezi sa predmetnom nabavko....ali je uz potvrdu, spisak propusti dostaviti:

„Uz spisak izvršenih ugovora (referenc listu koju sačinjava ponuđač na svom memorandumu) ponuđač je dužan dostaviti i potvrde, koje su u vezi sa spiskom, a koje (potvrde) daje druga ugovorna strana o njihovoj realizaciji u skladu sa tačkom 3.4. pod a) tenderske dokumentacije (obična kopija traženih dokaza). „

Slijedom prethodno navedenog, u skladu sa članom 68. stav (4) tačka i) Komisija je zapisnički konstatovala da ponudu ponuđača „Brusnica - Trade“ d.o.o. Fojnica nije potpuna i ne ispunjava zahtjeve iz tenderske dokumentacije, te se neće uzeti u dalje razmatranje.

Postupajući prema odredbama Zakona o javnim nabavama i kriteriju za dodjelu ugovora „najniža cijena“, cijeneći prethodno navedeno, kao i činjenicu da je ponuda ponuđača „Miličević-Gradnja“ d.o.o. Fojnica za LOT 2 - Izgradnja dovodnog cjevovoda od kaptaže do rezervoara - Podgora i Rekonstrukcija rezervoara – Podgora, jedina prihvatljiva ponuda za ugovorni organ, e -aukcija kako je predviđeno tačkom 7.1. stav 4 tenderske dokumentacije nije zakazivana, komisija jednoglasno dala preporuku Ugovornom organu da donese Odluku o izboru najpovoljnijeg ponuđača za nabavu radova „Izgradnja rezervoara i sanacija vodovodne infrastrukture u MZ Bakovići, Gojevići i Dusina“ za LOT 2 - Izgradnja dovodnog cjevovoda od kaptaže do rezervoara - Podgora i Rekonstrukcija rezervoara – Podgora, te da ugovor dodijeli ponuđaču „Miličević-Gradnja“ d.o.o. Kreševo čija je ponuda iskazana u iznosu od 41.001,00 bez PDV-a.

U postupku donošenja ove Odluke, posebno je cijenjena činjenica, da je Komisija pravilno i potpuno izvršila ocjenu kvalificiranosti ponuđača, kao i ocjenu pristiglih ponuda, shodno kriterijima iz Tenderske dokumentacije, te je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Uzimajući u obzir navedeno odlučeno je kao u dispozitivu ove Odluke.

POUKA O PRAVNOM LIJEKU

Protiv ove Odluke dozvoljena je žalba u pisanoj formi na način i u roku propisanom članom 99. i 101. Zakona o javnim nabavkama.

Žalba se izjavljuje Uredu za razmatranje žalbi, putem Općine Fojnica, kao prvostepenog organa.

Dostavljeno:

- Ponuđačima
- Web stranica Općine
- A/a


OPĆINSKI NAČELNIK
Sabahudin Klisura, dipl. ing.